





## PERANGKAAAN PEMBUATAN, JULAI 2025


### Nilai Jualan Sektor Pembuatan




Jualan sektor Pembuatan meningkat 3.5 peratus; berjumlah RM162.5 bilion pada Julai 2025



### Bilangan Pekerja dan Gaji & Upah




#### Sumbangan %



### Industri Berorientasikan Eksport dan Domestik



Daripada Jumlah Jualan



Sumber: Perangkaan Pembuatan Bulanan, Jabatan Perangkaan Malaysia (DOSM)





## Jualan sektor Pembuatan merekodkan RM162.5 bilion, meningkat 3.5 peratus pada Julai 2025

- Nilai jualan sektor Pembuatan meningkat 3.5 peratus tahun ke tahun (Jun 2025: 3.3%), berjumlah RM162.5 bilion pada Julai 2025. Peningkatan nilai jualan dalam sektor Pembuatan disumbangkan terutamanya oleh subsektor Makanan, minuman & tembakau, berkembang 8.9 peratus pada Julai 2025 (Jun 2025: 14.7%). Pertumbuhan ini turut disokong lagi oleh subsektor Peralatan elektrik & elektronik dan Produk mineral bukan logam, logam asas & produk logam, yang masing-masing meningkat sebanyak 6.9 peratus (Jun 2025: 4.5%) dan 3.8 peratus (Jun 2025: 3.0%). Pada masa yang sama, nilai jualan meningkat 0.8 peratus, mencapai RM162.5 bilion berbanding RM161.2 bilion yang direkodkan pada bulan sebelumnya.
- Pertumbuhan nilai jualan bagi industri berorientasikan eksport yang mewakili 71.7 peratus daripada jumlah jualan, tumbuh 2.7 peratus pada Julai 2025 (Jun 2025: 2.4%). Prestasi ini disebabkan terutamanya oleh peningkatan dalam Pembuatan minyak & lemak daripada sayuran & haiwan sebanyak 6.3 peratus (Jun 2025: 15.9%). Sementara itu, Pembuatan komputer, produk elektronik & optikal tumbuh 6.9 peratus (Jun 2025: 3.8%), dan Pembuatan jentera dan peralatan t.t.t.l. meningkat sebanyak 12.4 peratus (Jun 2025: 10.5%). Perbandingan bulan ke bulan, industri berorientasikan eksport susut sedikit sebanyak 0.3 peratus (Jun 2025: 4.1%).
- Industri berorientasikan domestik kekal pada pertumbuhan stabil 5.6 peratus pada Julai 2025. Prestasi ini disokong oleh pertumbuhan kukuh dalam Pembuatan produk pemprosesan makanan pada 12.7 peratus pada Julai 2025 (Jun 2025: 14.0%); serta dalam industri Pembuatan logam asas (7.2%); dan Pembuatan produk logam kecuali mesin & kelengkapan (4.0%). Walaubagaimana pun, industri berorientasikan domestik meningkat 3.8 peratus berbanding bulan sebelumnya.



- Sejumlah 2.4 juta orang pekerja direkodkan dalam sektor ini pada Julai 2025, bertambah sebanyak 1.1 peratus (Jun 2025: 1.0%). Pertambahan ini dipacu terutamanya oleh subsektor Makanan, minuman & tembakau (2.0%); Produk mineral bukan logam, logam asas & produk logam yang direka (1.4%); dan Peralatan elektrik & elektronik (1.4%). Berasaskan bulan ke bulan, bilangan pekerja dalam sektor ini meningkat 0.2 peratus.
- Gaji & upah yang dibayar dalam sektor Pembuatan juga mencatatkan pengembangan 2.3 peratus (Jun 2025: 1.6%), berjumlah RM8.31 bilion pada Julai 2025. Tambahan pula, gaji & upah yang dibayar susut 0.2 peratus berbanding RM8.33 bilion yang direkodkan pada bulan sebelumnya. Selanjutnya, nilai jualan bagi setiap pekerja mencatatkan RM67,833 (2.3%), manakala purata gaji & upah bagi setiap pekerja adalah RM3,469, meningkat 1.2 peratus tahun ke tahun.
- Bagi tempoh dari Januari sehingga Julai 2025, sektor Pembuatan merekodkan jualan kumulatif sebanyak RM1.1 trilion, menunjukkan tumbuh 3.7 peratus berbanding tempoh yang sama tahun 2024 (Januari – Julai 2024: 4.5%). Bilangan pekerja meningkat sebanyak 1.1 peratus kepada 2.4 juta orang, manakala gaji & upah meningkat 1.9 peratus kepada RM58.5 bilion. Selain itu, nilai jualan setiap pekerja berjumlah RM466,735, tumbuh 2.5 peratus.

